



TOSHKENT DAVLAT YURIDIK UNIVERSITETI REKTORINING B U Y R U G ' I

27.10.2023

640-tm-son

Talabaga hayfsan intizomiy jazo chorasi qo'llash to'g'risida

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksini buzish holatlari kuzatilmoqda.

Xususan, 2023-yil 27-sentabr kuni soat 10-25 lar atrofida Jinoiy odil sudlov fakulteti 2-kurs talabalari Xalimova Shaxinabonu Xayotjon qizi va Jalilova Farangiz Oybek qizi universitet 2-binosi 220-xonada o'zaro urushib gap talashib talaba F.Jalilova Sh.Xalimovaga qarata "musor o'zingni yig'ishtir tarbiyasiz" deb aytgan.

Shundan so'ng talaba Sh.Xalimova stol ustida turgan Coca-cola idishi bilan talaba F.Jalilovanning yuz qismiga urgan.

Talaba F.Jalilova o'zining xatti-harakatlari bilan Toshkent davlat yuridik universiteti Odob-axloq kodeksining 17-moddasi birinchi qismi birinchi xatboshisi (...haqoratlash)da ko'rsatib o'tilgan qoidani buzgan.

Talaba Sh.Xalimova o'zining xatti-harakatlari bilan Toshkent davlat yuridik universiteti Odob-axloq kodeksining 15-moddasi ikkinchi xatboshisi (o'z harakatlarini universitet manfaatlarini ko'zlab amalga oshirish, uning imidjini saqlash va oshirish, universitet, uning xodimlari, talabalari va doktorantlari nomi va manfaatlariga ziyon yetkazadigan harakatlarni amalga oshirmaslik, shuningdek, ular bilan muloqot qilganda o'zlarining namunali xulq-atvori bilan universitet haqida yuksak ijobiy taassurot uyg'otish), 17-moddasi birinchi qismi uchinchi xatboshisi (tinchlik va osoyishtalikka qarshi tajovuz qilish, janjallashish), 18-moddasi birinchi qismi (xodim, talaba va doktorantlarning o'zaro munosabatlari milliy qadriyat va an'analar, yagona jamoaviy muhit, o'zaro hurmat va e'tibor, do'stlik, hamjihatlik, halollik va adolat tamoyillariga asoslanishi), 26-moddasi ikkinchi qismi uchinchi xatboshisi (odob-axloqqa oid milliy an'analarimiz, urf-odat va qadriyatlarimizni hurmat qilish) da ko'rsatib o'tilgan qoidalarni qo'pol ravishda buzgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003 yil 22 fevral,) 51-bandi va universitet rektorining 2023-yil 31-maydagi 81-son buyrug'i bilan tasdiqlangan Toshkent davlat yuridik universitetining Ichki tartib qoidalari 83-bandiga asosan hamda universitet Odob-axloq komissiyasi yig'ilishining 2023-yil 24-oktabrdagi o'ttiz ikkinchi son xulosasiga muvofiq,

BUYURAMAN:

1. Universitetning Odob-axloq kodeksi 17- moddasi birinchi qismi birinchi xatboshisi talablarini buzganligi uchun Jinoiy odil sudlov fakulteti 2-kurs talabasi Jalilova Farangiz Oybek qizi mazkur harakatlar qayta takrorlangan taqdirda hayfsan intizomiy jazo chorasi qo'llanilishi to'g'risida ogohlantirilsin.

Universitetning Odob-axloq kodeksi 15-moddasi ikkinchi xatboshisi, 17-moddasi birinchi qismi uchinchi xatboshisi, 18-moddasi birinchi qismi, 26-moddasi ikkinchi qismi uchinchi xatboshisi talablarini buzganligi uchun Jinoiy odil sudlov fakulteti 2-kurs talabasi Xalimova Shaxinabonu Xayotjon qiziga hayfsan intizomiy jazo chorasi qo'llanilsin.

2. Fakultet dekanlari (Sh.Saydullayev, D.Kamalova, B.Musayev, D.Umarxanova, O.Babadjanov) mazkur buyruq bilan talabalarining shaxsini sir saqlagan holda universitet talabalarini tanishtirsin.

3. Jinoiy odil sudlov fakulteti dekani (D.Kamalova):

mazkur holat takror sodir etilsa, talaba Sh.Xalimovani talabalar safidan chetlashtirish mumkinligi to'g'risida ogohlantirsin;

mazkur talabalarining shaxsiy hujjatlar yig'majildiga buyruq nusxasi tikilishini ta'minlasin.

4. Mazkur buyruq bajarilishini nazorat qilish birinchi prorektor A.Xashimhonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (Fan nomzodi yoki falsafa
doktori (Ph.D) ilmiy darajasiga yoki
xorijiy davlatlarning unga
tenglashtirilgan boshqa ilmiy
darajalariga yoki dotsent ilmiy
unvoniga ega bo'lgan)

D.KAMALOVA

**Kelishildi:**

Direktor

SH.PO'LOTOV



Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Katta yuriskonsult

A.TURSUNOV

